

Reaktie Stichting Stellingwarver Schrieversronte op et konseptwetsveurstel veur een Wet gebruik Friese Tael.

Op himzels vienen bestuur en direkteie van de Stichting Stellingwarver Schrieversronte et konsept veur de Wet gebruik Friese Tael - as anvietering veur et meer bruken gaon van die tael - goed en ondersteunen dat veurstel van hatte.

Wat oons liekewel verbaost is dat in et riegeltien naemen van gemienten waor een uutzundering of vri'jstelling veur gellen gaot de gemiente Oost-Stellingwarf blikber vergeten is.

Et kan, neffens oons, toch niet zo wezen dat in et jaor dat warschienlik et Nedersaksisch ok erkend wodt onder diel III van et Europees Haandvest veur minderhiedstaelen, en zo van toepassing wodt op de Stellingwarven vanwegens et Stellingwarfs, veur iene van de twie Stellingwarver gemienten de ni'je Wet gebruik Friese Tael gellen gaot.

Wi'j gaon d'r daaromme dan ok vanuut dat de gemiente Oost-Stellingwarf nog in et eerder numde riegeltien opneumen wodt.

Veur et bestuur en de direkteie  
Stichting Stellingwarver Schrieversronte,  
Ype Dijkstra (veurzitter)  
Sietske Bloemhoff (direkteur)